


燕岩一

燕彙








燕岩集卷之

熱河日記

渡江錄

盛京雜識上



燕岩集卷之

潘南朴趾源美齋 著

熱河日記一

渡江錄

起辛未止乙酉自鴨綠江至遼陽十五日

序

曷為後三庚子記行程陰晴將年以係月日也曷稱後崇禎紀元後也曷三庚子崇禎紀元後三周庚子也曷不稱崇禎將渡江故諱之也曷諱之江以外清人也天下皆奉清正朔故不敢稱崇禎也曷私稱崇禎 皇明中華也吾初受命之上國也

崇禎十七年 毅宗烈皇帝殉社稷 明室亡于

今百四十餘年曷至今稱之清人入主中國而先
王之制度變而為胡環東土數千里畫江而為國
獨守先王之制度是明室猶存於鴨水以東也雖
力不足以攘除戎狄肅清中原以光復先王之舊
然皆能尊崇禎以存中國也崇禎百五十六年癸
卯洌上外史題

後三庚子我 聖上四年

清乾隆四十五年

六月二十四日

辛未朝小雨終日乍灑乍止午後渡鴨綠江行三十

里露宿九連城夜大雨即止初留龍濟

義州館

十日方

物盡到行期甚促而一雨成霖兩江通漲中間快晴
亦已四日而水勢益盛木石俱轉濁浪連空蓋鴨綠
江發源最遠故耳按唐書高麗馬訾水出靺鞨之白
山色若鴨頭故號鴨綠江所謂白山者即長白山也
山海經稱不咸山我國稱白頭山白頭山為諸江發
源之祖西南流者為鴨綠江皇輿考云天下有三大
水黃河長江鴨綠江也兩山墨談陳霆著云自淮以北
為北條凡水皆宗大河未有以江名者而北之在高
麗曰鴨綠江蓋是江也天下之大水也其發源之地
方卑方潦難度於千里之外也以今漲勢觀之白山

長霖可以推知況此非尋常津涉之地乎今當盛潦
汀步艤泊皆失故處中流礁沙亦所難審採舟者少
失其勢則有非人力所可回旋一行譯負迭援故事
固請退期濟尹李在亦送親裨為挽數日而正使堅
以是日為渡江之期 狀啓已書填日時矣朝起開

窓濃雲密布雨意彌山鹽櫛已罷慙頓行李手封家

書及諸處荅札出付撥便於是畧啜早粥徐往館所

諸裨已著軍服戰笠矣頂起銀花雲月懸孔雀羽腰

繫藍方紉紬纏帶珮環刀手握短鞭相視而笑曰貌

樣何如盧叅奉

以漸上房裨將

視帖裡時更加豪健矣

方帖裏言

千翼裨將我境則著帖鄭進士班上方裨將笑迎曰今日

裏渡

江則

換

著袂袖

帖

鄭進士

班上方

裨將

笑迎

曰今日

真得渡江矣盧從傍曰乃今將渡江矣余皆應曰唯
唯蓋一旬留館舉懷支離之意皆畜奮飛之氣加以
霖雨江漲益生蹂躪及此期日倏屆則雖欲無渡不
可得也遙瞻前途溽暑蒸人回想家鄉雲山渺漠人
情到此安得無憮然退悔所謂平生壯遊恒言曰不
可不一觀云者真屬第二義其曰今日渡江云者非
快暢得意之語乃無可奈何之意耳譯官金震夏二
上以年老病重落後而去辭別鄭重不覺悵然朝飯
後余獨先一騎而出馬紫騮而白題脰瘦而蹄高頭

銳而腰短鍊其雙耳真有萬里之想矣昌大前控張
福後囑鞍掛雙囊左硯右鏡筆二墨一小空冊四卷
程里錄一軸行裝至輕搜檢雖嚴可以無虞矣未及
城門而驟雨一陣從東而至遂促鞭而行下馬城闌
獨步上樓俯視城底獨昌大持馬而立不見張福少
焉張福出立道傍小角門望上望下歎笠遮兩手提
烏甕小壺颯颯而來蓋兩人者自檢其囊中得廿六
文而東錢有禁不可出境棄之道則可惜故沽酒云
問汝輩能飲幾何皆對不能近口余罵曰豎子惡能
飲乎又自慰曰遠道一助於是悄然獨酌東望龍鐵

諸山皆八萬重雲矣滿酌一盞酌第一柱自祈利涉
又斟一盃酌第二柱為張福昌大祈搖盞則猶餘數
盃使昌大酌地禱馬倚墻東望蒸雲乍騰白馬山城
西邊一峯忽露半面其色深青恰似吾燕岩書堂望
見佛日後峯矣紅粉樓中別莫愁秋風數騎出邊頭
畫船簫鼓無消息腸斷清南第一州此柳冷齋入滬
陽時作也余朗詠數回獨自大笑曰此出疆人漫作
無聊語爾安得有畫船簫鼓哉昔荆卿將渡易水頃
之未發太子疑其改悔請先遣秦舞陽荆軻怒叱曰
僕所以留者待吾客與俱此荆卿漫作無聊語耳若

疑荆卿改悔則可謂淺之知荆卿而荆卿所待之客亦未必有姓名其人也夫提一匕首入不測之強秦已多一秦舞陽復安用他客耶寒風歌筑聊盡今日之歡而已然而作者曰其人居遠未來巧哉其居遠也其人者天下之至交也是期也天下之大信也以天下之至交臨一往不返之期夫豈日暮而不至哉故其所居未必楚吳三晉之遠亦未必以是日為入秦之期而有握手丁寧之約也只在荆卿意中忽待是客作之者乃就荆卿意中之客而演之曰其入其人者所不知何人也以所不知何人而曰居遠為

荆卿慰之又恐其人之或來也則曰未來為荆卿幸
之耳誠若天下真有其人吾且見之矣其人身長七
尺二寸濃眉綠髯下豐上銳何以知其然也吾讀惠

風此詩知之矣

冷齋字惠風名得恭

正使前排拂拂出城

旗幟棍棒

之屬排立於前故謂之前排

來源與周主簿雙行矣

來源余三從弟周主簿名

命新俱上房裨將

鞭鞘伏脇聳身據鞍肩高項長非不驍勇

而坐下衾袋太尾趨僕夫藁鞋遍掛鞍後來源軍服

青苧也舊件新浣翮騰郭索可謂太宗儉矣稍俟副

使之出城乃按轡徐行最後至九龍亭即發船所也

灣尹已設幕出待而書狀清晨先出與灣尹眼同搜

檢例也方校閱人馬人籍姓名居住年甲髯疤有無
身材長短馬錄其毛色立三旗為門搜其禁物大者
如黃金真珠人蔘貂皮及色外濫銀小者新舊名目
不下數十種瑣雜難悉廝隸則披衣摸袴裨譯則解
視行裝衾袋衣襟披猖江岸皮箱紙匣狼藉草莽爭
自收拾眈眈相顧大抵不檢則無以防姦搜之則有
傷體貌而其實文具而已濫賈之先期潛越有誰禁
之禁物之現捉於初旗者重棍而公屬其物入中旗
者刑配入第三旗者梟首示衆其立法則嚴矣今行
原色猶未及半多空色者其濫銀奚論茶啖草草乍

進旋退蓋急於渡江無人下箸船只五隻如京江之
津船而其制稍大先濟方物及人馬正使所乘載表
咨文及首譯以下上房帶率同船副使書狀並其大
率合乘一船於是龍灣吏校房妓通引及平壤陪行
營吏啓書等皆於船頭次第拜辭上房馬頭順安奴
名時大
唱謁未了蒿師舉杖一刺水勢迅疾櫂歌齊唱努力
奏功皇奔電邁恍若隔晨統軍亭楹楯欄檻八面爭
轉辭別者猶立沙頭而渺渺如豈余謂洪君命福曰
首譯君知道乎洪拱曰惡是何言也余曰道不難知惟
在彼岸洪曰所謂誕先登岸耶余曰非此之謂也此

江乃彼我交界處也非岸則水凡天下民彞物則如水之際岸道不他求即在其際洪曰敢問何謂也余曰人心惟危道心惟微泰西人辨幾何一畫以一線諭之不足以盡其微則曰有光無光之際乃佛氏臨之曰不即不離故善處其際惟知道者能之鄭之子產船已泊岸蘆荻如織下不見地下隸輩爭下岸折蘆荻忙掇船上苜蓿欲為鋪設而蘆根如戟黑土泥濃自正使以下茫然露立於蘆荻中矣問人馬先渡者何去左右對曰不知又問方物安在又對曰不知遙指九龍亭沙岸曰一行人馬太半未濟彼蟻屯者

是也遙望龍灣一片孤城如晒匹練城門如針孔漏
出天光如一點晨星有大筏乘漲而下時大遙呼曰
位蓋呼聲也位者尊稱也有一人起立應聲曰爾們
的不時節緣何朝貢入大國暑天裏長途辛苦時大
又問爾們的鄉地人民往何處砍木答曰俺等俱鳳
城居住往長白山砍來說猶未了筏已杳然去矣時
兩江合漲而中間為孤島人馬先濟者誤為下此相
距雖五里無船復渡遂嚴勅兩船篙工速濟人馬則
對以逆漲行船非時日可及使臣皆躁怒欲治領船
濟校而無軍牢軍牢亦先渡誤下於中島故耳副房

裨將李瑞龜不勝憤念叱副房馬頭摔入灣校而無
可覆之地於是半開其臂以馬鞭畧叩四五喝令拿
出斯速舉行灣校一手著笠一手係袴連聲唱喏驅
下兩船蒿工八水曳船而水勢悍急進寸退尺威令
無所施少焉一隻船沿岸飛下軍牢領三房驕馬而
來張福呼昌大曰汝亦來乎蓋韋之也使兩漢點視
行裝則俱得無恙矣裨譯所騎或來或否於是正使
先發軍牢一隻騎而吹角引路一隻步而前導颼颼
穿蘆荻而行余於馬上拔佩刀斬蘆一竿皮堅肉厚
而不堪作箭只合筆柄矣一鹿驚起超越蘆荻如麥

際飛鳥一行皆驚行十里至三江江清如練名愛刺
河而不知何處發源與鴨綠江相去不過十里而獨
無潦漲之意其各地發源可知矣有兩隻船類我國
上游船而長廣皆不及制甚堅綴刺船者皆鳳城人
待此三日糧盡告飢云蓋此河彼我不得往來之地
而我國譯學及大國移咨不時有交關之事故鳳城
將軍為置船隻云船泊處甚沮洳余呼一胡曰位蓋
俄者纔學于時大也其人欣然捨槳而來余騰身載
其背其人笑嘻嘻入船出氣長息曰黑旋風媽媽這
樣沉挑時已不得上了沂風嶺趙主簿明會大笑余

曰彼鹵漢不知江革但知李逵趙君曰彼語中帶意無限其語本謂李逵母如此其重則雖李逵神力亦不得背負踰嶺且李逵母為虎所噉故其意則以為如此好肉可舁餒虎余大笑曰彼安能開口成許多文義趙君曰所謂目不識丁正道此輩而裨官奇書皆其牙頰間常用例語所謂官話者是也河廣似我國臨津即向九連城綠蕪列幕周羅虎網義州鎗軍處處伐木聲震原野獨立高阜舉目四望山明水清開局平遠樹木連天隱隱有大村落如聞雞犬之聲土地肥沃可以耕墾沮江以西鴨綠以東無與此比

合置巨鎮雄府彼我兩棄遂成閑區或云高句麗時
亦嘗都此所謂國內城 皇明時為鎮江府今清陷
遼則鎮江民人不肯剃頭或投毛文龍或投我國其
後投我者盡為清人所刷還投文龍者多死于劉海
之亂矣其為空地且將百餘年漠然徒見山高而水
清者是也行視諸露屯處譯官或三人一幕或五人
同帳譯卒及刷馬驅人伍伍仆仆靠溪搆木炊烟相
連人喧馬嘶儼成村閭灣商一隊自為一屯臨溪洗
數十雞張網獵魚烹羹煮蔬飯顆明潤最為豐腴良
久副使書狀次第來到日既黃昏設燎三十餘處皆

鉅截連抱巨木達曙通明軍牢吹角一聲則三百餘人齊聲吶喊所以警虎也竟夜如此軍牢自灣府選待最健者一行兒隸中最多事而亦最多食云其打扮令人絕倒藍雲紋緞上裏氈笠髮結高頂雲月懸苗紅氍毛帽前鏤金着一個勇字鴉青麻布狹袖戰服木紅綿布褙子腰繫藍方紬紬纏帶肩掛朱紅綿絲大絨足穿多耳麻鞋觀其身手果然是一對健兒也但所坐馬所謂半駙擔不鞍而馱非騎而踞背插着正藍色小令旗一手持軍令版一手執筆硯繩拂及一條如腕大馬家木短鞭口吹吶叭坐下斜插十

餘朱漆木棍各房少有弭令則輒呼軍牢軍牢陽若
未聞連呼十數次則口中刺刺的諍責始乃高聲應
喏若初聞呼聲然一躍下馬承奔牛喘而吶叭及軍
令取筆硯等物都掛一肩曳了一棍而去矣夜未半
大雨暴霽帳幕上漏草氣下濕無處可避少焉開霽
天星四垂若可捫也

二十五日壬申朝小雨午晴各房及譯負等諸屯處
處出晒衣衾見濕於夜雨故也刷馬驅人中有負酒
而來戴宗

宣川奴

御鑒

下主簿馬頭沽獻一瓶遂相携臨溪命

酌渡江後望絕東酒而今忽得之非但酒味大佳暇

日臨流趣不可勝馬頭輩爭投竿釣魚余醉棄一緡
投之即得二小魚蓋魚未慣釣故也以方物未及到
又露宿九連城

二十六日癸酉朝霧晚晴發九連城行三十里到金
石山下中火又行三十里露宿慈秀既曉冒霧發行
上判事馬頭得龍與刷馬驅人輩談說康世爵事露
中遙指金石山曰此荊州人康世爵所隱處其說津
津可聽蓋世爵祖霖從楊鎬東援我國死於平山父
國泰官青州通判萬曆丁巳坐事謫遼陽世爵年
十八隨父在遼陽明年清入陷撫順游擊將軍李永

芳降經畧楊鎬分遣諸將搃兵杜松出開原搃兵王
尚乾出撫順搃兵李如栢出清河都督劉綎出毛嶺
國泰父子從劉綎清伏兵從陜中出大軍前後不相
救劉綎自燒死國泰中流矢仆世爵日暮得父屍埋
谷中聚石以識之時朝鮮都元帥姜弘立副元帥金
景瑞陣山上朝鮮左右營將陣山下世爵投元帥陣
明日清兵擊朝鮮左營無一人得脫山上軍望見皆
股栗弘立不戰而降清人圍弘立軍數匝搜明兵之
竄入者反縛驅出皆鈎斬之世爵被縛坐大石下主
者忽忘而去世爵目朝鮮兵乞解其縛朝鮮兵相睥

睨莫敢動世爵自以背磨之石楞縛繩斷遂起脫朝
鮮死者衣揷着之攢立朝鮮兵中以得免於是還走
遼陽及熊廷弼鎮遼陽招世爵使復父讐是年清人
連陷開原鐵嶺則逮廷弼以薛國用代之世爵仍留
薛軍中及瀋陽陷世爵晝伏夜行抵鳳凰城與廣寧
人劉光漢收遼陽散卒共守之未幾光漢戰死世爵
亦被十餘鎗自念中原路絕不如東出朝鮮猶得免
雜髮左衽遂走穿塞隱金石山燎羊裘裹木葉以咽
之數月得不死遂渡鴨綠江遍歷關西諸郡轉入會
寧遂娶東婦生二子世爵年八十餘卒子孫蕃衍至

百餘人而猶同居云得龍嘉山人也自十四歲出入
燕中今三十餘次最善華語行中大小事例非得龍
莫可當此任者已經本郡及龍鐵等諸府中軍階得
嘉善而每使行則預關本郡囚其次知家屬謂以防
其逃避其為人之幹能可知方世爵初出時客得龍
家與得龍祖善互學華東語得龍之善漢語乃其家
學云日既暮抵慈秀恰似瑞興慈秀想我國人所名
抑瑞興慈秀以類為名否

二十七日甲戌朝霧晚晴平明發行路逢五六胡人
皆騎小驢帽服縵縷容貌疲殘皆鳳城甲軍往戍愛

刺河而崔人倩往云東方則誠無慮矣然中國邊脩
可謂踈矣馬頭及刷馬驅人輩喝令下驢前行兩胡
下驢側行後行三胡不肯下驢馬頭輩齊聲叱下則
怒目直視曰尔們的大人干我甚事馬頭直前奪其
鞭擊其赤脚曰吾們的大人陪奉是何等物件賣來
是何等文書黃旗上明明的寫着萬歲爺御前上用
你們好不患瞎還不認過了皇上御用的其人下驢
伏地稱死罪一人起抱咨文馬頭腰滿面歡笑曰老
爺息怒小人們該死的馬頭輩皆大笑叱令叩頭謝
罪皆跪伏于泥中以首頓地黃泥滿額一行皆大笑

叱令退去余曰聞汝輩入中國多惹鬧端云吾今日
覩果驗前聞俄者亦涉不緊此後切勿曰戲起鬧皆
對曰不如此長途永日無以消遣望見鳳凰山恰是
純石造成拔地特起如劈掌立指如半開芙蓉如天
末夏雲秀峭戍削不可名狀而但欠清潤之氣嘗謂
我京道峯三角勝於金剛何則金剛即其洞府所謂
萬二千峯非不奇峻雄深數擘禽翔仙騰佛趺而陰
森渺冥如八鬼窟余嘗與申元發登新髮嶺望見金
剛山時方秋天深碧夕陽斜暎無干霄秀色出身潤
態未嘗不為金剛一歎及自上遊舟下出頭尾江口

西望漢陽三角諸山摩霄出青微嵐淡靄明媚婀娜
又嘗坐南漢南門北望漢陽如水花鏡月或曰光氣
浮空乃旺氣也旺氣者王氣也為我京億萬載龍盤
虎踞之勢其靈明之氣宜異乎他山也今此山勢之
奇峭峻拔雖過道峯三角而其浮空光氣大不及漢
陽諸山矣原野平濶雖不耕墾而處處砍柴根柢狼
藉牛蹄轍跡縱橫草間已知其近柵而居民之尋常
出柵亦可驗矣疾驅行七八里抵柵外羊承彌山朝
煙繚青剗木封柵畧識經界可謂折柳樊圃矣柵門
覆以苫草板扉深鎖離柵數十步設三使幕次少憩

方物齊到露積枓外羣胡觀光者列立枓內無不口
含烟竹光頭揺扇或黑貢緞衣或秀花紬衣或生布
生芋或三升布或野繭絲袴亦如之所佩繽紛或繡
囊三四小佩刀皆插雙牙箸烟袋如胡蘆樣或繡刺
花草禽鳥又古人名句譯官及諸馬頭輩爭立枓外
兩相握手慇懃勞問群胡問你在王京那日起程
在途時得免天水磨家裏都是太平磨充得包銀磨
人人酬酢如出一口又爭問韓相公安相公來磨此
數人者俱義州人歲歲販燕皆巨猾習知燕中事所
謂相公者高賈相尊之稱也使行時例給正官八包

正官者裨譯共三十員八色者舊時官給正官人人
參幾斤謂之八色今不官給令自備銀只限色數堂
上色銀三千兩堂下二千兩自帶八燕貿易諸貨為
奇美貪不能自帶則賣其色窠松都平壤安州等處
燕商買其色窠充銀以去狀諸處燕商法不得身自
入燕將色交付灣人貿易以來如韓安諸賈連歲入
燕視燕如門庭與燕市裨販連賜互壯充發低仰都
在其手燕貨之日增厥價賣由此輩舉國都不理會
專責譯官譯官失權於灣賈拱手而已諸處燕商雖
知為灣賈之所採縱而事非目覩則敢怒而不敢言

其來已久今者灣賈之暫為隱身不即相見亦一鉤
引小數也朝飯於柵外整頓行裝則雙囊左鑰不知
去處遍覓草中終未得責張福曰汝不存心行裝常
常遊目繚及柵門已有問失諺所謂三三程一日未
行若復行二千里比至皇城還恐失爾五臟吾聞舊
遼東及東岳庙素號姦細人出沒處汝復賣眼又未
知幾物見失張福悶然搔首曰小人已知之兩處觀
光時小人當雙手護眼誰能拔之余不覺寒心乃應
之曰善哉蓋福也年少初行性又至迷同行馬頭輩
多以戲語誑之則福也真個信聽每事所認皆此類

也遠途所伏噫嘻痛矣復至柵外望見柵內閭閻皆
高起五櫟苦草覆蓋而屋脊穹崇門戶整齊街術平
直兩沿若引繩然墻垣皆甃甃乘車及載車縱橫道
中擺列器皿皆畫甃已見其制度絕無村野氣往者
洪友德保嘗言其大規模細心法柵門天下之東盡
頭而猶尚如此前道遊覽忽然意沮直欲自此徑還
不覺腹背沸烘余猛省曰此妬心也余素性淡泊慕
羨猜妬本絕于中今一涉他境所見不過萬分之一
乃復浮妄若是何也此直所見者小故耳若以如來
慧眼遍觀十方世界無非平等萬事平等自無妬羨

顧謂張福曰使汝往生中國何如對曰中國胡也小人不願俄有一盲人肩掛錦囊手彈月琴而行余大悟曰彼豈非平壽眼耶小馬大開柵門鳳城將軍及柵門御史方來坐店房云羣胡闐門而出爭閱視方物及私卜輕重蓋自此雇車而運也來觀使臣坐處舍竹睥睨指點相謂曰王子庶宗室正使稱王子故也有認之者曰不是這個班白的駙馬大人頃歲來的指副使曰這髯的雙鶴補子乃是乙大人指書狀曰山大人翰林出身的乙者二也山者三也翰林出身者文官也溪邊有喧譁爭辨之聲而語音啁

啾莫識一句急往觀之得龍方與羣胡爭禮單多寡也禮單贈遺時考例分給而鳳城姦胡必增名目加數要責其善否都係上判事馬頭若值生手不爛漢語則不能爭詰都依所要今歲如此則明年已成前例故必爭之使臣不知此理常急於八柵必促任譯任譯又促馬頭其弊原久矣象三

上判事馬頭

方分傳禮

單群胡環立者百餘人衆中一胡忽高聲罵象三得龍奮髯張目直前堪其腦揮拳欲打顧謂衆胡曰這個潑皮好無禮往年大膽偷老爺鼠皮項子又去歲欺老爺睡了拔俺腰刀割取了鞘綬又割了俺所佩

的囊子為俺所覺送與他一副老拳作知面禮這個
萬端哀乞喫俺再生的爺孃今來年久還欺老爺不
記面皮好大膽高聲大叫如此鼠子輩拿首了鳳城
將軍衆胡齊聲勸解有一老胡美鬚髯衣服鮮麗前
抱得龍腰曰請大哥息怒得龍回怒作哂曰若不看
賢弟面皮時這部截筒鼻一拳歪在鳳凰山外其舉
措恇攘可笑趙判事達東來立余傍余為說俄間光
景可惜獨觀趙君笑曰這是殺威棒法趙君只得龍
曰使道今將八柵禮單火速分給得龍連聲唱喏故
作遑遽之色余故久立詳觀所給物件名目極為恠

雜柵門守直甫古二名甲軍八名各白紙十卷小煙
竹十箇火刀十箇封草十封鳳城將軍二負主客司
一負稅官一負御史一負滿洲章京八人加出章京
二人蒙古章京二人迎送官三人帶子八人博氏八
人加出博氏一人稅官博氏一人外郎一人衙譯二
人筆貼式二人甫古十七人加出甫古七人稅官甫
古二人分頭甫古九人甲軍五十名加出甲軍三十
六名稅官甲軍十六名合一百二人分給壯紙一百
五十六卷白紙四百六十九卷青黍皮一百四十張
小匣草五百八十匣封草八百封細烟竹七十四箇

八面銀項烟竹七十四箇錫粧刀三十七柄鞘刀二百八十四柄扇子二百八十八柄大口魚七十四尾

月乃

革障泥

七部環刀七把銀粧刀七柄銀烟竹七箇

錫長烟竹四十二箇筆四十枝墨四十丁火刀二百六十二箇青青月乃二部別烟竹三十五箇油毫二部羣胡不做一聲肅然受去趙君曰得龍能則能矣彼往歲元無失揮項刀囊等事公然執頗罵折一人衆人自沮皆面面相顧無聊却立若不如此雖三日不決無入柵之期矣已而軍牢跪告曰門上御史鳳城將軍出坐收稅廳於是三使次第入柵 狀啓例

付義州鎗軍而回矣一入此門則中土也鄉園消息
從此絕矣悵然東面而立良久轉身緩步八柵路右
有草廳三間自御史將軍下至衙譯分班列椅而坐
首譯以下拱手前立使臣至此馬頭叱隸停轎下脫
前驂若將卸駕者目即疾驅而過副三房亦如之有
若相效者令人捧腹裨將譯官皆下馬步過獨卞季
誣騎馬突過末坐一胡忽以東話高聲大罵曰無禮
無禮幾位大人坐此外國役官焉敢唐突過告使臣
打醫可也聲雖嘶哮舌強喉澁如乳孩弄嬌醉客使
痴此即護行通官雙林云首譯對曰這是癸邦太醫

官初行未諳事體且太鑒奉國命隨護大大人大
大人亦不敢擅勘諸老爺仰體皇上字小之念免其
深究則益見大國寬恕之量諸人皆點頭微笑曰是
也是也獨雙林視猛聲高怒氣未解首譯目余使去
道逢卞君卞君曰大辱逢之余曰醫字可慮相與大
笑遂聯袂行翫不覺讚歎柵內人家不過二三十戶
莫不雄深軒冕柳陰中挑出一竿青帘相携而入東
人已彌滿其中矣赤脚突髻騎椅呼吸見余皆奔避
出去主人大怒指着卞君道不解事的官人好妨人
賣買戴宗撫其背曰哥哥不必饒舌兩位老爺畧飲

一兩杯便當起身這等魑魅那敢橫倚暫相回避即當復來已飲的計還酒錢未飲的暢襟快飲哥哥放心先斟四兩酒主人堆着笑臉道賢弟往歲不曾照照麼這等魑魅於鬧攘裡都白喫一道烟走了罷那地覓酒錢戴宗曰哥哥勿慮兩位老爺飲後即起弟當盡驅這廝回店賣買店主曰是也兩位都斟四兩麼各斟四兩麼戴宗道每位四兩卞君罵曰四兩酒誰盡飲之戴宗笑曰四兩非酒錢也乃酒重也其桌上列置斟兪自一兩至十兩各有其兪皆以鍤鑊造觶出色似銀喫四兩酒則以四兩觶斟來沽酒者更

不較量多小其簡便若此酒皆白燒露味不甚佳立
醉旋醒周視鋪置皆整飭端方無一事苟且彌縫之
法無一物委頓雜亂之形雖牛欄豚枘莫不踈直有
度柴堆糞痔亦皆精麗如畫嗟呼如此然後始可謂
之利用矣利用然後可以厚生厚生然後正其德矣
不能利其用而能厚其生鮮矣生既不足以自厚則
亦惡能正其德乎正使已入鄆姓家主人身長七尺
豪健執犢悍其母年近七旬滿頭插花眉眼韶雅可想
青春光景矣點心後與來源及鄭進士出行觀翫鳳
凰山離此六七里看其前面益覺奇峭山中有安市

城舊址遺堞尚存云非也三面皆絕險飛鳥莫能上
惟正南一面稍平周不過數百步即此彈丸小城非
久淹大軍之地似是句驪時小小壘堡耳相携至大
柳樹下納涼有井甃甃又磨治全石為覆蓋穿其兩
傍劣容汲水所以防人墮溺且鄣塵土又水性本陰
故使敵陽養活水也井蓋上設轆轤下垂繩結柳
為棖其形如瓢而深一上一下終日汲不勞人力水
桶皆鐵箍以細釘緊約絕勝於綰竹為經歲久則朽
斷且桶身乾曝則竹箍自然寬脫所以鐵箍為得也
汲水皆肩擔而行謂之扁擔其法削一條木如臂膊

大其長一丈兩頭懸桶去地尺餘水窻窄不溢惟平
壤有此法然不肩擔而背負之故甚妨於窄路隘巷
其擔法又此為得之昔鮑宣妻提瓮出汲余嘗疑何
不頭戴而手提之乃今見之婦人皆高髻不可戴矣
西南廣潤作平遠山淡沱水千柳陰濃茅簷疎籬時
露林間平堤綠蕪牛羊散牧遠橋行人有擔有携
立而望之頓忘間者行役之憊兩人者為觀新荆佛
堂棄我而去有十餘騎揚鞭馳過皆繡鞍駿馬意氣
揚揚見余獨立滾鞍下馬爭執余手致慇懃之意其
中一人美少年余畫地為字以語之皆俯首熟視但

點頭而已似不識為何語也有兩碑皆青石一門上
御史善政碑一稅官某善政碑俱滿洲人四字名撰
書者亦俱滿洲人文與筆俱拙但碑制極佳功費甚
省此可為法碑之兩傍不磨滑軌筭夾碑為牆沒碑
頂目瓦覆為屋碑在窠中以脩風雨勝於建閣韜碑
碑跌霸夏及碑文兩邊所鐫龕龕可數毫髮此不過
窮邊民家所建然其精緻古雅不可當也向夕暑氣
益熾急還所寓高揭北牕脫衣而卧北庭平廣葱畦
蒜膳端方正直茨棚匏架磊落蔭庭籬邊紅白蜀葵
及玉簪花方盛開簷外有石榴數盆及繡毬一盆秋

海棠二盆鄂之妻手提竹籃次第摘花將為夕粧也
昌大得酒一觴外炒一盤而來餉曰何處去耶幾想
殺我也其故作痴態以納忠款可憎可笑然酒我所
嗜也況外炒亦我所欲乎是日行三十里自鴨綠江
至此該有一百二十里我人曰柵門本處人曰架子
門內地人曰邊門

二十八日乙亥朝霧晚晴早與卞君先為發行戴宗
遙指一所大庄院曰此通官徐宗孟家也皇城亦有
家更勝於此宗孟貪婪多不法吮朝鮮膏血大致富
厚既老為禮部所覺家之在皇城者被籍而此猶存

又指一所曰雙林家也其對門曰文通官家也舌本
劉利如誦熟文戴宗宣川人也已六七八燕云北至
鳳城三十里衣服盡濕行人髭鬚結霧如秧針貫珠
西邊天際重霧忽透片碧纔露嵌空玲瓏如窻眼小
琉璃須臾霧氣盡化祥雲光景無限回看東方一輪
紅日已高三竿矣中火於康永太家永太年二十三

自稱民家

漢人稱民家
滿人稱旗下

白哲美麗能鼓西洋琴問讀

書否對曰已誦四書嘗未講義所謂誦書講義有兩
道非如我東初學之無通音義中原初學者只學四
書章句口誦而已誦熟然後更就師受旨曰講義設

令終身未講義所習章句為日用官話所以萬國方
言惟漢語最易且有理也永太所居精灑華侈種種
位置莫非初見炕上鋪陳皆龍鳳攬瑜椅榻所藉皆
以錦緞為褥庭中設架以細簾遮日四垂絳簾前列
石榴五六盆就中白色石榴盛開又有異樹一盆葉
類冬栢果似枳實問其名曰無花果果皆雙雙並蒂
不花結實故名書狀來見各叙年甲長余五歲副使
繼又來訪為叙萬里同苦之誼金子仁為道兄此行
而我境冗擾未及相訪余曰定交於他國可謂異域
親舊副使書狀皆大笑曰未知誰為異域也副使長

余二歲余祖父與副使祖父嘗同牕治功令有同研
錄余祖父為京兆堂上時副使祖父以京兆郎授刺
各道舊日同研事余時八九歲在傍知有舊誼書狀
指白石榴曰曾見此否余對不曾見書狀曰吾童子
時家有此榴國中更無蓋此榴華而不實云畧叙閑
話皆起去渡江日雖相識面於蘆荻叢中未嘗叙話
又兩月柵外連幕露宿亦未相晤故今以異域相戲
者此也點心尚遠云不堪遲待遂忍飢行翫初由右
邊小門而入故不知其家之雄侈若此今由前門而
出則外庭數十百間三使帶率都入此家而不知着

在何處非但我行區處綽綽有餘來商去旅絡繹不絕又有車二十餘輛闐門而八一車所駕馬騾必五六頭而不聞喧聲深藏若虛蓋其安置凡百自有規模不相妨礙觀此外貌其他細節不須盡說矣緩步出門繁華富麗雖到皇京想不更加不意中國之若是其盛也左右市廛連亘輝耀皆雕窓綺戶畫棟朱欄碧榜金扁所居物皆內地奇貨邊門僻奧之地乃有精鑑雅識也又八一宅其壯麗更勝於康家而其制度大約皆同凡室屋之制必除地數百步長廣相適剗剗平正可以測土圭安針盤然後筭金金皆石

址或一級或二級三級皆輒築而磨石為甃臺上建屋皆一字更無曲折附麗第一屋為內室第二屋為中堂第三屋為前堂第四屋為外室外室前臨大道為店房為市廛每堂前有左右翼室是為廊廡寮廂大約一屋長必六楹八楹十楹十二楹兩楹之間甚廣幾我國平屋二間未嘗隨材短長亦不任意濶狹必準尺度為間架屋皆五梁或七梁從地至屋脊測其高下簷為居中故瓦溝如建瓴屋左右及後面無冗簷以輒築牆直埋椽頭盡屋之高東西兩牆各穿圓窓面南皆戶正中一間為出入之門必前後直對

屋三重四重則門為六重八重洞開則自內室門至
外室門一望貫通其直如矢所謂洞開重門我心如
此者以喻其正直也路逢李同知惠迪

譯官三
堂上

李君

笑曰窮邊村野何足掛眼吾言雖至皇城未必勝此
李君曰然雖有大小奢儉之別其規模大率相同耳
為室屋專靠於壁壁者甍也長一尺廣五寸比兩甍
則正方厚二寸一匡榻成忌角缺忌榜刊忌軀翻一
剗犯忌則全屋之功左矣是故既一匡印榻而猶患
參差必以曲尺見矩介削礪磨務令勻齊萬剗一影
其築法一縱一橫自成坎壈隔灰

石如紙僅取膠貼

縫痕如綿其和灰之法不雜鹿沙亦忌黏土沙太鹿
則不貼土過黏則易坼故必取黑土之細膩者和灰
同泥其色黛黧如新燼之尾蓋取其性之不黏不沙
而又取其色質鈍如也又雜以絲細剉如毛如我
東坊土用馬矢同泥欲其韌而無龜又調以桐油濃
滑如乳欲其膠而無罅其蓋尾之法尤為可效尾之
體如正圓之竹而四破之其一尾之大恰比兩掌民家
不用鴛鴦尾椽上不構檄子直鋪數重蘆簞然後覆
尾簞上不籍泥土一仰一覆相為雌雄縫尾以灰鱗
紋膠貼自無雀鼠之穿屋最忌上重下虛我東蓋尾

之法與此全異屋上厚鋪泥土故上重墻壁不輒築
灰縫四柱無倚故下虛瓦體過大故過彎過彎故自
多空處不得不鋪以泥土泥土壓重已有棟抗之患
泥上一乾則瓦底自浮鱗級流退乃生罅隙已不禁
風透雨漏雀穿鼠竄蛇繆貓翻之患大約立屋輒功
居多非但竟高築墻室內室外固不鋪輒盡庭之廣
麗目井井如畫基道屋倚於壁上軒下完柱入於墻
不經風雨於是不畏延燒不畏穿窬尤絕雀鼠貓蛇
之患一開正中一門則自成壁壘城堡室中之物都
似櫝藏由是觀之不須許多土木不煩鐵冶墁工甃

一燔而屋已成矣方新築鳳凰城或曰此即安市城也高句麗方言補大鳥曰安市今鄙語往往有訓鳳凰曰安市稱蛇曰白巖隋唐時就國語以鳳凰城為安市城以蛇城為白巖城其說頗似有理又世傳安市城主楊萬春射帝中目帝耀兵城下賜絹百疋以賞其為主堅守三淵金昌翁送其弟老稼齋金昌業入燕詩曰千秋大膽楊萬春箭射虬髯落眸子牧隱李穡貞觀吟曰為是囊中一物爾那知玄花落白羽玄花言其目白羽言其箭二老所詠當出於吾東流傳之舊唐太宗動天下之兵不得志於殫凡小城蒼黃旋

師其跡可疑金富軾只惜其史失姓名蓋富軾為三
國史只就中國史書鈇謄一番以作事案至引柳公
權小說以證註驛之被圍而唐書及司馬通鑑皆不
見錄則疑其為中國諱之然至若本土舊聞不敢略
載一句傳信傳疑之間蓋闕如也余曰唐太宗失目
於安市雖不可考蓋以此城為安市愚以為非也按
唐書安市城去平壤五百里鳳凰城亦稱王淦城地
志又以鳳凰城稱平壤未知此何以名焉又地志古
安市城在蓋平縣東北七十里自蓋平東至秀岩河
三百里自秀岩河東至二百里為鳳城若以此為古

平壤則與唐書所稱五百里相合然吾東之士只知
今平壤言箕子都平壤則信言平壤有井田則信言
平壤有箕子墓則信若復言鳳城為平壤則大驚若
曰遼東復有平壤則叱為恠該獨不知遼東本朝鮮
故地肅慎濊貊東夷雜種盡服屬衛滿朝鮮又不知
烏刺寧古塔後秦等地本高句麗舊疆嗟乎後世不
詳地界則妄把漢四郡地盡局之於鴨綠江內牽合
事案區區分排乃復覓沮水於其中或指鴨綠江為
沮水或指青川江為沮水或指大同江為沮水是朝
鮮舊疆不戰自蹙矣此其故何也定平壤於一處而

沮水前却常隨事跡吾嘗以為漢四郡地非特遼東
當八女真何以知其然也漢書地理志有玄菟樂浪
而真番臨屯無見焉蓋昭帝始元五年合四郡為二
府元鳳元年又改二府為二郡玄菟三縣有高句麗
樂浪二十五縣有朝鮮遼東十八縣有安市獨真番
去長安七千里臨屯去長安六千一百里金崙所謂
我國界內不可得當在今寧古塔等地者是也由是
論之真番臨屯漢末即入於扶餘挹婁沃沮扶餘五
而沃沮四或變而為勿吉變而為靺鞨變而為渤海
變而為女真按渤海武王大武藝答日本聖武王書

有曰復高麗之舊居有扶餘之遺俗以此推之漢之
四郡半在遼東半在女真跨踞包絡本我幅員蓋可
驗矣然而自漢以來中國所稱沮水不定厥居又吾
東之士必以今平壤為準而紛然尋沮水之跡此無
他中國人凡稱遼左之水率踰為沮所以程里不合
事案多舛者為由此也故欲知古朝鮮高句麗之舊
域先合女真於境內次尋沮水於遼東沮水定然後
疆域明疆域明然後古今事案合矣然則鳳城果為
平壤乎曰此亦或箕氏衛氏高氏所都則為一平壤
也唐書裴矩傳言高麗本孤竹國周以封箕子漢分

四郡所謂孤竹地在今永平府又廣寧縣舊有箕子廟戴旱冠塑像明嘉靖時燬於兵火廣寧人或稱平壤金史及文獻通考俱言廣寧成平皆箕子封地以此推之永平廣寧之間為一平壤也遼史渤海顯德府本朝鮮地箕子所封平壤城遼破渤海改為東京即今之遼陽縣是也以是推之遼陽縣為一平壤也愚以為箕子初居永廣之間後為燕將秦開所逐失地二千里漸東益徙如中國晉宋之南渡所止皆稱平壤今我大同江上平壤即其一也沮水亦類此高句麗封域時有羸縮則沮水之名亦隨而遷徙如中

國南北朝時州郡之類互相僞置然而今平壤為平壤者指大同江曰此湨水也指平壤咸鏡兩界間山曰此蓋馬大山也以遼陽為平壤者指蘄芋梁水曰此湨水也指蓋平縣山曰此蓋馬大山也雖未詳熟是然必以今大同江為湨水者自小之論耳唐儀鳳二年以高麗王臧高句麗室藏王高藏為遼東州都督封朝鮮王遣故遼東仍移安東都護府於新城以統之由是觀之高氏境土之在遼東者唐雖得之不能有而復故之高氏則平壤本在遼東或為寄名與湨水時有前却耳漢樂浪郡治在遼東者非今平壤乃遼陽之

平壤及勝國時

王氏高麗

遼東及渤海一境盡入契丹則

謹畫慈鐵兩嶺而守之並棄先春鴨綠而不復顧焉
而況以外一步地乎雖內並三國其境土武力遠不
及高氏之強大後世拘泥之士恣慕平壤之舊跡徒
憑中國之史傳津津隋唐之舊蹟曰此沮水也此平
壤也已不勝其逕庭此城之為安市為鳳凰惡足辨
哉城周不過三里而甃築數十重制度雄侈四隅正
方若置斗然今裁半築則其高低雖未可測門上建
樓處設雲梯浮空駕起工役雖似浩大器械便利運
甃輸土皆機動輪轉或自上汲引或自推自行不一

其法皆事半功倍之術莫非正法而非但行忙難以
遍觀雖終日熟視非造次可學良可歎也食後與卞
季涵鄭進士先行康永泰出門揖送頗有惜別之意
且囑敝時當值冬節願賁賜一件時憲余解給一丸
清心過一舖掛一面金書當字牌旁書准軍咒不當
五字此典當舖也有數三義少年走出舖中遮馬請
小刻納涼遂相與下馬隨入其凡百位置更勝康家
庭中有二大盆種三五柄蓮子養得五色鮒魚少年
手持掌大紗罾向小甕邊過了幾顆紅蟲浮沉盆中
蟲細如蟹卵皆蠕蠕少年更以扇敲響那盆郭念念

招魚魚皆出水呬沫日方午天火傘下曝悶塞不可
久居遂行與鄭進士或先或後余謂鄭曰城制何如
鄭曰甃不如石也余曰君不知也我國城制不甃而
石非計也夫甃一函出矩則萬甃同樣更無費力磨
琢之功一窯燒成萬甃坐得更無募人運致之勞齊
勻方正力省功倍運之輕而築之易莫甃若也今夫
石斲之於山當用匠幾人輦運之時當用夫幾人既
運之後當用匠幾人以琢治之其琢治之功又當再
費幾日築之之時安排一石之功又當再用夫幾人
於是削崖而被之是土肉而石衣也外似峻整內窳

齔石既參差不齊則恒以小石撐其尻跗崖與城
之間窠以碎礫雜以泥土一經潦雨腸虛腹漲一石
踈脫萬石爭潰此易見之勢也且灰石性能黏於齔
而不能貼石余嘗與次修論城制或曰齔之堅剛安
能當石次修大聲曰齔之勝於石豈較一齔一石之
謂哉此可謂鐵論大約灰不能貼石則用灰彌多而
彌自較圻背石卷起故石常各自一石而附土為固
而已齔得灰縫如魚鰓之合木鵬砂之積金萬齔凝
合膠成一城故一齔之堅誠不如石而一石之堅又
不及萬齔之膠此其齔與石之利害使否所以易辨也

鄭於馬上偃僂欲墮蓋睡已久矣余以扇搦其背大罵曰長者為語何睡不聽也鄭笑曰吾已盡聽之麾不如石石不如睡也余忿欲歐之相與大笑至河邊得柳陰納涼五渡河五里之間一臺子所謂頭臺子二臺子三臺子皆烽堡也輒築如城高五六丈正圓如筆筒上施垛堞多毀壞而不修葺何也道傍或有樞累石壓之年久露置木頭朽敗蓋待其骨枯舉而焚之云沿道多有墳塋其封高銳亦不被莎多對白楊排行正直行旅步走者絕少步走者必有擔鋪蓋

寢具謂鋪蓋

無補蓋者店房不許留接疑其姦究也掛

鏡而行者視短者也乘馬者皆着黑緞靴子步行者皆着青布靴子其底皆裊布數十重絕不見麻鞋蒿屨宿松站一名雪裏站又薌薛劉站是日行七十里或曰此舊鎮東堡也

二十九日丙子晴舟渡三家河舟如馬槽全木刻成無櫓槳兩岸立丫木橫截大繩緣繩而行則舟自來往馬皆浮渡又舟渡劉家河中火黃河庄牛極熟馬渡金家河所謂八渡河也林家臺范家臺大小方斗五里十里之間村閭相望桑麻芡然時方旱黍黃熟蜀黍發穗而皆刈去其葉以飼馬騾亦所以為黍柄

養其全氣也到處有闕廟數家相聚必有一座大窰
以燒甌范印晒曝新舊燔燒處、山積蓋甍為日用
先務也小憇典當舖主人引至中堂勸一椀熱茶位
置多異玩設架齊梁整置所典之物皆衣服也祿裹
付紙籤書物主姓名別號相標居住再書某年月日
典當舖件于某字號舖親手交付云、其利殖之法
無過什二過期一朔許賣典當舖題著金字柱聯曰洪
範九疇先言富大學十章半論財以蜀黍柄巧構樓
閣置草虫一枚以聽鳴聲簷簷短懸雕籠養一異鳥是
日行五十里宿通遠堡即鎮夷堡也

七月初一日丁丑曉大雨留行與鄭進士周主簿卞

君來源趙主簿學東

上房乾
粮判事

賭紙牌以遣閑且博飲

資也諸君以余手勞黜之座但囑安坐飲酒諺所謂
觀光但喫餅也尤為忿恨亦復奈何坐觀成敗酒則
先酌也非惡事時聞間壁婦人語聲嫩嚳嬌嚳燕燕
鶯鶯意謂主家婆娘必是絕代佳人余故托爨烟粧
草入厨一婦人五旬以上年紀當户據牀而坐貌極
悍醜道了叔：千福余答道托主人洪福余故久撥
灰流眼傍睨鄰婦人滿髻挿花金釧宝璫略施朱粉身
着一領黑色長衣遍鎖銀紐足下穿一對靴子繡得

草花蜂蝶蓋滿女不纏脚不着弓鞋簾中轉出一個
處女年貌似是十歲以上處女髻髮中分綰上以此
為辨貌亦傑悍但肥肉白淨把鐵鏟子傾綠色瓦盆
滿勺了蜀黍飯盛得一椀和鏟漚水坐西壁下交椅
以箸吸飯更拿數尺葱根連葉蘸醬一飯一佐項附
雞子大癭瘤噉飲啜茶畧無羞容蓋歲閱東人尋常
親熟故也庭廣數百間久雨泥淖河邊水磨小石如
碁子大黃雀卵者本無用之物而揀其形色相類者
當門處錯成九苞飛鳳以禦泥淖其無棄物推此可
知雞皆尾羽脫落一如抽鋸往々肉雞蹠跚其形醜

惡不忍見

初二日戊寅曉大雨晚晴前溪大漲不可渡遂留行
正使命來源及周主簿前往視水余亦隨行不數里
巨浸當前不見涯涘使善泅者入水測其淺深不十
步而肩已沒矣還報水勢正使愁悶盡招譯官及各
房裨將使各陳渡水之策副使書狀亦來會副使曰
多貫門扇及車輿作筏以渡何如周主簿曰此計大
妙首譯曰門扇車輿難可多得此間造屋現有十餘
間材木可以賞用但患葛筱難得諸奴紛然余曰安
用縛筏我有一兩隻舴艋槽檣都具但欠一事周問

所欠甚事余曰只欠個副手梢公一坐哄笑主人鹿
鹵目不識丁而卽上猶有楊升庵集四聲猿有尺餘
正籃籠瓶斜插趙南星鐵如意臘茶色小香鑪雲間
胡文明製椅桌屏鄣俱有雅致不似窮邊村野氣余
問傭家計粗足否對曰終歲勤苦未免飢寒若非貴
國使行時都沒了生計有男女幾個曰只有一盜尚
未招婿余問何謂一盜曰盜不過五女之門豈不是
家之蠹賊午後出門閑行散悶蜀黍田中忽響了一
聲鳥銃主人忙出門看那田中跳出一個漢子一手
把銃一手曳猪後脚猛視店主怒道何故放這牲口

八田中店主面帶惶愧遜謝不已其人血淋淋拖猪而去店主佇立悵然再三惋歎余問郝漢所獲誰家牧的店主曰俺家牧的余問雖然這畜逸入他人田中不曾傷害了一柄葡萄奈何枉殺了這個牲口傭們應須追徵猪價麼店主曰那敢追徵不謹護牢是我的不是處蓋康熙甚重稼穡制牛馬踐穀者倍徵故放者杖六十羊豕入田中田主登時捕獲放牧者不敢認主但不得遮車道阻泥則引出田間故田主常治道以獲田云村邊有二窰一恰裁燒畢塗泥竈門擔水數十桶連灌窰頂窰頂畧坎受水不溢窰

身方爛得水即乾似當注水不焦為候耳一窰先已
燒冷方取甕出窰大約窰制與我東之窰判異先言
我窰之誤然後窰制可得我窰直一卧窰非窰也初
無造窰之軌故支木而泥築薪以大松燒堅其窰其
燒堅之費先已多矣窰長而不能高故火不炎上火
不能炎上故火氣無力火氣無力故必熟松取猛熟
松取猛故火候不齊火候不齊故尾之近火者常患
苦窰遠火者又恨不熟無論燔甕燒甕凡為陶之家
窰皆如此其熟松之法又同松膏烈勝他薪也松一
剪則非再孽之樹而一遇陶戶四山童濯百年養之

一朝盡之乃復鳥散遂松而去此緣一窰失法而國中之良材日盡陶戶亦日困矣今觀此窰輒築灰封初無燒堅之費任意高大形如覆鍾窰頂為池容水數斛旁穿烟門四五火能炎上也置輓其中相支為火道大約其妙在積今使我手能為之至易也然口案難形正使問其積類品字乎余曰似是而非也卞主簿問其積類疊丹匣乎余曰似是而非也魔不平置皆偶立為十餘行若燧燐再於其上斜駕排立次次架積以抵窰頂孔穴自然疎通如鹿眼火氣上達相為咽喉引焰如吸萬候逆吞火氣常猛雖蜀稻黍

朽能勻燔齊熟自無牽翻龜圻之患今我東陶戶不
先究窰制而自非大松林不得設窰陶非可禁之事
而松是有眼之物則莫如先改窰制以兩利之鰲城
李恒福老稼齋皆說龐利而不詳窰制甚可恨也或云

蜀楷三百握為一窰之薪得輒八千蜀楷長一丈半
拇指大則一握僅四五柄耳然則蜀楷為薪不過千
餘柄可得近萬之輒耳日長如年向夕尤暑不堪昏
睡聞傍炕方會低牌斗双爭閑余遂躍然投座連勝
五次得錢百餘沽酒痛飲可雪前恥問今復不服否
趙卞曰偶然耳相與大笑卞君及來源不勝忿冤要

余更設余辭曰得意之地勿再往知足不殆

初三日巳卯曉大雨朝晝快晴夜又大雨達曙又留
朝起開窓積雨快霽光風時轉日色清明可占午炎
榴花滿地銷作紅泥繡毬浥露玉簪抽雪門前有簫
笳鐃鉦之聲急出觀之乃迎親禮也綵畫紗燈六對
青蓋一對紅蓋一對簫一雙笳一雙簫簫二雙疊鉦
一雙中央四人肩擔一座青屋輜四面傳玻璃為窓
四角鞞綵絲流蘇輜正腰為杠以青絲大繩橫絞杠
之前後再以短杠當中貫絞兩頭肩荷四人八蹄一
行接武不動不搖懸空而行此法大妙輜後有兩車

皆以黑布為屋駕一驢而行一車共載兩個老婆面
俱老醜而不廢朱粉巔髮盡禿光緒如鉈寸髻北指
猶滿挿花朵兩耳垂瑤黑衣黃裳一車共載三少婦
朱袴或綠袴都不繫裳其中一少女頗有姿色蓋老
是粧婆乳媪少的是丫鬟也三十餘騎簇擁着一個
胖大莽漢口旁頤邊黑髭髥權着九爪蟒袍白馬
金鞍穩踏銀鐙堆首笑臉後有三兩車滿載衣褥余
問店主此村裡可有秀才塾師麼店主曰村僻少去
處那有學究先生去年秋間偶有一個秀才從稅官
京裡來的一路上染得暑痢差留此間多賴此處人

一力調治經冬徂春快得痊可郝先生文章出世無
得會寫滿洲字情願暫住此間開了一兩年黌堂教
授些此村小孩們以酬救療大恩現今坐在了闕聖
廟堂裏余曰可得主人暫勞鄉導店主曰不必仰人
指導舉手指之曰這個屋頭出首的大廟堂是也余
問這個先生姓甚名誰店主曰一村坊都叫他富先
生余問富先生多少年紀店主曰公子備自去問他
店主曰走入炕裡手拿紅紙數十片指示道此乃郝
富先生親手墨蹟那紅紙左沿細書某位舍親尊台
某年月日恭請台駕電益救延店主道俺們兄房前

春招婿時倩他請席刺紙大約僅能成字而數十紙
所寫字樣無大無小如珠貫絲如印一板意其秀才
為富鄭公苗裔即嘏時大同去尋郝廟堂裡來寂無
人聲周圍觀玩右廂裏有小兒讀書薛俄有一兒開
戶探頭一張回走出不顧而去余追問童子偈們的
師父坐在郝裡麼童子道甚麼余曰富先生童子畧
不採聽口裡喃喃拂袖而去余謂時大曰郝先生必
在這裡遂直向石廂一推開戶有四五副空椅並無
人跡余圍戶恰裁轉身郝童子引一老者而來想是
富也適纔閑走此隣郝童子忙去報客而回也乍觀

面目全乏文雅氣余向前甫揖邠老者不意抱余腰
背盡力奮杵又把手顫：滿堆笑臉余初則大驚次
不甚喜問尊是富公麼邠老者大喜道：「備老邠從識
俺賤姓余曰吾久聞先生大名如雷灌耳富曰願聞
尊姓大名余書示之富自書其名曰富圖三格邠曰
松齋字曰德齋余問甚麼三格富曰是吾姓名也余
問貴鄉華貫在何地方富曰俺滿洲鑲藍旗人富問
備老此去當面駕麼余曰甚麼話富曰萬歲爺要當
接見備們余曰皇上萬一接見時吾當保奏備老得
添微祿麼富曰儻得如此時朴公大德結草難報余

曰吾阻水留此已數日真此永日難消倘老豈有可
觀書毋為借數日否富曰無有往在京裡時舍親折
公新開刻鋪起號鳴盛堂其羣書目錄適在橐中如
欲遣閑時不難奉借但願倘老此刻暫迴携得真：

的孔子

清心元

高麗廟子揀得精好的作面幣方見倘

老真誠結識借這書目未晚也余察其容詳志意鄧
悖庸陋無足與語不耐久坐即辭起富臨門揖送且
言貴邦名袖可得賣買麼余不答而啟正使問有何
可視恐中暑余對俄逢一老學究非但滿人鄙陋無
足語正使曰彼既有求何可吝一凡一筆耶房不妨

借省書目遂使時大送與清心元一札魚頭扇一柄
時大即回持掌大幾葉小冊而來皆空紙所錄書目
盡是清人小品七十餘種此不過數頁所錄而要索
厚價其無恥甚矣然既為借來且新眼目遂騰而還
之又牘新語共六冊汪淇澹漪箋焚書共六冊藏書
共十八冊續藏書共九冊李贄卓吾著宮闈小名錄
長洲雜說西堂雜俎左侗展成著筠廊偶筆宋榮收
仲著同書字觸閩小記因樹屋書影周亮工元亮著
四禮撮要甘京著說林西河詩話毛奇齡著韻白庄
林韻學通指漢書毛先舒稚黃著西山記游周金然

著曰知錄北平古今記顧炎武著不知姓名錄李清
映碧著蔣說蔣帝臣著影梅庵憶語冒襄僻彊著古
今書字辨訛東山談苑秋雪叢談余懷淡心著冬夜
箋記王崇簡著皇華記聞池北偶談香祖筆記王士
禎貽上著毛角陽秋羣書頭屑閨閣語林朱鳥逸史
王士禛著笠翁通譜無聲戲小說兎輸錢古事李漁
笠翁著天外談石龐著葵對機緣弘覺著十九種柴
帚臣著橋譜諸帝男著曰下舊聞共二十冊朱彝尊
錫鬯著虞初新志張潮山來著寄園寄所寄共八冊
趙吉士著說鈴汪沅著說鈴吳震芳青壇著壇几叢

書王暉著三魚堂日記陸隴其著亦禪錄幽夢影張
潮著粉墨春秋朱彝尊著兩京求舊錄朱茂曙著燕
舟客話周在浚著宗禎遺錄王世德著八海記查嗣
璣著疏球雜錄汪楫著博物典彙黃道周著觀海記
行施閏章著柝津日記周箕著與鄭進士分錄以為
書肆考求之資即送時大還傳且令語之曰此書皆
我東所有故吾老爺不覽此書目云爾時大故言富
也聽渠所傳頗有憮然之色贈渠手中云手中長二
尺餘新件黑芭縐紗也

初四日庚辰自昨夜達曙大霽留行省楊升菴集或

紙牌消閑副使書狀來會上房又招行中廣詢渡水
之策良久盡罷去似無善策也

初五日辛巳晴阻水留行店主開其內炕烟溝持長
朽鋤子扱灰余於是畧觀炕制大約先築炕基高尺
有咫為地平然後以碎甗基置為度足而鋪甗其上
而已甗厚本齊故破為度足而自無躋躔甗體本勻
故相比排鋪而自無罅隙烟溝高下劣容伸手出納
度足者逆相為火候火遇候則必踰若抽引然火焰
驅灰圓駢而入衆候逆吞迭傳無暇逆吐達于烟門
烟門一溝深丈餘我東方言大座也灰常為火所驅

落滿炕中則三歲一開烟炕一帶拔除其灰竈門坎
地一丈卻開坎口墊薪倒插竈傍闕地如大竈上覆
石蓋為平地其中空洞生風所以驅納火頭於烟喉
而點烟不漏也又烟門之制闕地如大竈甕築狀如
浮圖高與屋齊烟落甕中如吸如吮此法尤妙大約
烟門有隙則一線之風能滅一竈之火故我東房探
常患吐火不能通溫者責在烟門或杜籠塗紙或木
板為桶而初豎處士築有隙或紙塗墜落或木桶有
闕則不禁漏烟大風一射則烟桶為虛位矣我念吾
東家貧好讀書百千元芽等鼻端六月恒垂晶珠願

究此法以免三冬之苦卞季涵曰炕法終始恆異不
如我國房法余問所以不如者何等卞君曰何如鋪
得四張附油芑色似火齊滑如水骨耶余曰炕不如
房則是也其造埃之法但效此而施之於房鋪得油
芑有誰禁之東方埃制有六失而無人講解吾試論
之君靜聽無譁泥築為塋架石為埃石之大小厚薄
本自不齊必疊小礫以度四角禁其躋蹙而石焦土
乾常患潰脫一失也石面凹缺處補以厚土塗泥取
平故炊不遍溫二失也火溝高濶焰不相接三失也
牆壁疎薄常若有隙風透火逆漏烟滿室四失也火

項之下不為違候火不遠踰盤旋薪頭五失也其乾
爆之功必費薪百束一旬之內碎難入處六失也何
如與君共鋪數十輒談笑之間已造數間溫垞寢卧
乎其上耶夜與諸君略飲數盃更鼓已深扶醉歸卧
與正使對炕而中傭布幔正使已熟寢余方含烟朦
朧枕邊忽有跂音余驚問汝是誰也答曰都甬老音
伊吾語音殊為不類余再喝汝是誰也高聲對曰小
人都甬老音伊吾時大及上房廝隸一齊驚起有批
頰之聲推背擁出門外蓋甲軍每夜巡檢一行兩宿
處自使臣以下點數而去每值夜深睡熟故不覺也

甲軍之自稱都角老音殊為絕倒我國方言稱胡虜
戎狄曰都角老音甲軍則多年迎送學語於我人但
慣聽都角之稱故耳一場惹鬧以致失眠繼又萬蚤
跳踉正使亦失眠遂明燁達曙

初六日壬午晴溪漲小減故遂發行余入正使轎中
同渡下隸三十餘人赤身擡轎至中流湍急處轎忽
左傾幾墮危哉危哉與正使兩相抱持僅免墊溺渡
在彼岸望見渡水者或騎人項或左右相扶或編木
為扉而乘之使四人肩擡而渡其乘馬浮渡者莫不
仰首視天或緊閉雙目或強顏嬉笑廝隸皆解鞍肩

荷而渡意其恐濕也既渡者又肩荷而返恠而問之
蓋空手入水則身輕易漂故必以重物壓肩也數次
往返者莫不戰慄山間水氣甚冷故也中火草河口
所謂雷洞以其長時沮洳故我人所名云踰分水嶺
高家嶺刘家嶺宿連山關是日行六十里夜小醉微
睡身忽在瀋陽城中宮闕城池閭閻市井繁華壯麗
余自謂壯觀不意其若此吾當故託家中遂翩翩而
行萬山千水皆在履底迅若飛鷲頃刻至冶谷舊宅
坐內房南窓下家兄問瀋陽如何余恭對所見勝於
所聞誇美亶媿望見南牆外隣家槐樹陰陰上有大

星一顆炫爛搖光余奉稟伯氏曰識此星乎伯氏曰
不識其名余曰此老人星遂起拜伯氏曰吾暫回家
中備說瀋陽今復追程耳出戶經堂推開外廊一門
回首北望屋頭厯厯認鞍峴諸峰忽有大悟曰迂濶
迂濶吾將何以獨自入柵自此至柵門千餘里誰復
待我停行乎遂大聲呌喚不勝悔懼開門欲出戶樞
甚緊大呌張福而聲不出喉排戶力猛一推而覺正
使方呼燕若余猶恍惚應之問曰此卽何地正使曰
俄者夢魘頗久矣遂起坐敲齒彈腦収召魂神頓覺
爽豁而一悵一喜久難為悰遂不能更睡轉輾思想

不覺達曙連山關一名鴟鵂關

初七日癸未晴行二里乘馬渡水水雖不廣而悍急尤猛於前日所渡攀膝聚足竦坐鞍上昌大堅擁馬首張福力扶余尻相依為命以祈領吏其囑馬之聲正是嗚呼馬至中流忽側身左傾蓋水沒馬腹則四蹄自浮故卧而遊渡也余身不意右傾幾乎墜水前行馬尾散浮水面余急持其尾慙身一坐以免傾墜余亦不自意矯捷之如此昌大亦幾為馬脚所揮危在俄頃馬忽舉頭正立可知其水淺著脚矣踰摩雲嶺中大千水站午後極熱又踰青石嶺嶺上有一水

闕廟極其霸驗驛夫馬頭輦爭至供桌前叩頭或買
供青茱諱官亦有焚香抽籤占驗平生休咎者有道
士敲鉢丐錢獨不剃髮為椎髻如我東優婆僧頭戴
藤笠身被一領野蘭紗道袍恰似我東儒生所著而
但黑色方領少異耳又一道士賣真茱及雞卵茱味
甚甜且多水雞卵淡鹹夜宿狼子山是日踰兩大嶺
通行八十里摩雲嶺一名會寧嶺其高峻嶮絕不減
我國北闕摩天嶺云

初八日甲申晴與正使同輜渡三流河朝飯於冷井
行十餘里轉出一派山脚恭卜忽鞠躬趨過馬首伏

地高聲曰白塔現身謁矣泰卜者鄭進士馬頭也山
脚猶遮不見白塔趣鞭行不數十步纔脫山脚眼光
勒勒忽有一團黑球七升八落吾今日始知人生本
無依附只得頂天踏地而行矣立馬四顧不覓舉手
加額曰好哭場可以哭矣鄭進士曰遇此天地間大
眼界忽復思哭何也余曰唯唯否否千古英雄善泣
美人多淚然不過數行無拜眼水轉落襟前未聞拜
滿天地若出金石人但知七情之中惟哀發哭不知
七情都可以哭喜極則可以哭矣怒極則可以哭矣
樂極則可以哭矣愛極則可以哭矣惡極則可以哭

矣歆極則可以哭矣宣暢壺盂莫疾於群哭在天地
可比雷霆至情所發發能中理與笑何異人生情會
未嘗經此極至之處而巧排七情配象以哭由是死
喪之際始乃勉強叫喚唉苦等字而真個七情所感
至群真音按住忍抑蘊盡於天地之間而莫之敢宣
也彼賈生者未得其場忍住不耐忽向宣室一群長
號寔得無致人驚恠哉鄭曰今此哭場如彼其廣吾
亦當從君一慟未知所哭求之七情所感何居余曰
問之赤子赤子初生所感何情初見日月次見父母
親戚滿前莫不歡悅如此喜樂至老死致理无哀怒

情應樂笑乃反無限啼哭念恨彌中將謂人生神聖
愚凡一例崩殂中間在咎患憂百端兒悔其生先自
哭吊此大非杰者本情兒胞居胎處家冥地塞纏糾
逼窄一朝迸出寥廓展手伸脚心意空闊如何不發
出真聲盡情一洩哉故當法嬰兒舞無假做登眺廬
絕頂望見東海可作一場行長溯金沙可作一場今
臨遠海自此至山海關一千二百里四面都無一點
山乾端坤倪如黏膠線縫古今雲只是蒼蒼可作
一場亭午極熱趣馬厓高麗叢阿彌庄分路與趙主
簿達東及下君來源鄭進士李儵鶴齡入舊遼陽其

繁華富麗十倍鳳城別有遼東記出西門見白塔其
制造工麗雄偉可敵遼野別有白塔記還遼陽城車
馬轟殷聚觀者到處成群酒樓紅欄高臨大道颺出
一面金字酒旗書着聞名應駐馬尋香且停車吾可
以飲矣環觀者彌衆人肩相摩雅聞此處甚究極多
初行者專心遊覽不善省察必有兩失徃岁一使行
多牽先賴為伴當上下數十人皆初行衣裝鞍具頗
為華侈入遼陽遊覽之際或失鞍甲或失鐙子先不
狼狽云張福忽頭帽鞍甲腰佩玃鐙立侍于前先
愧色余笑叱曰何不掩角玃目見者皆大笑還至太

子河河方潦漲無舡可渡沿河上下正角彷徨俄有
蘆葦叢中蕩出荳殼漁艇又有一小艇隱於汀洲使
張祐泰卜輩齊舡喂舟一對漁人兩頭垂竿而坐柳
樹陰濃斜陽顯金蜻蜓點水鷺子蹴波千呼萬喚終
不回頭久立汀沙暖氣薰煮唇焦頭汗腸虛氣餒生
卒喜遊賞今日真得了其債矣鄭君輩爭相嘲謔曰
日暮道窮上下飢困哭之外无他策矣先生何為忍
住不哭相與大笑余曰彼漁人不肯救入其人心可
知雖陸魯望先生正合一拳打倒泰卜益為焦躁曰
今野日垂地欲墜他處有山已將昏黑矣蓋泰卜雖

年少已七次燕行九百慣熟少焉舟子罷釣收艇底
魚籃短檣蕩到柳陰邊爭出五六小航見漁艇蕩來
亦爭先來到要索高價其待人竭急然後始肯來洛
其情狀可惡一航只許載三人每人費一鈔艇皆全
木剗成所謂野航恰受兩三人者是也共計一行上
下恰是十七馬六疋皆浮河航頭執控順河而下七
八里其危有甚於通遠諸渡時也宿新遠陽映水寺
是日通行七十里夜極熱睡中單衾自脫微有感氣
初九日乙酉晴極熱乘晚涼先發厯張家臺三道巴
中大爛泥堡自入遠東以來村閭不絕路廣數百步

沿路兩旁皆種垂柳間闌櫛比處其對門中間僚水
不洩往往自成大池家養鵝鴨千百浮泳兩邊村舍
益成臨水樓台紅欄翠檻映帶左右渺然有江湖之
想軍牢三吹後必先數里前行前排軍官亦隨軍牢
先詣余行止自由每與卞君秉涼曉發行不十里則
且遇前排必並轡談譁每日若此每近村間輒令軍
牢吹起喇叭四個馬頭合唱勸馬聲家家走出婦女
闌門觀光無老無少裝束皆同粧花垂簾畧施朱粉
口皆含竹手持靴底兩綰連針帶線駢肩簇立指點
嬌笑始見漢女漢女皆纏足着弓鞋姿色不及滿女

滿女多花容月態歷萬竇橋烟臺河山腰鋪宿十里
河是日通行五十里裨諱輦於馬上各定一妾所見
滿漢女若他人先占則不敢叠定相避之法甚嚴謂
之口妾往往猜妬怒罵詆嘲亦一長程消遣訣也明
日將入瀋陽

THE UNIVERSITY OF CHICAGO PRESS
PUBLISHED BY THE UNIVERSITY OF CHICAGO PRESS
CHICAGO, ILLINOIS, U.S.A.

THE UNIVERSITY OF CHICAGO PRESS
PUBLISHED BY THE UNIVERSITY OF CHICAGO PRESS
CHICAGO, ILLINOIS, U.S.A.

THE UNIVERSITY OF CHICAGO PRESS
PUBLISHED BY THE UNIVERSITY OF CHICAGO PRESS
CHICAGO, ILLINOIS, U.S.A.

THE UNIVERSITY OF CHICAGO PRESS
PUBLISHED BY THE UNIVERSITY OF CHICAGO PRESS
CHICAGO, ILLINOIS, U.S.A.

THE UNIVERSITY OF CHICAGO PRESS
PUBLISHED BY THE UNIVERSITY OF CHICAGO PRESS
CHICAGO, ILLINOIS, U.S.A.

THE UNIVERSITY OF CHICAGO PRESS
PUBLISHED BY THE UNIVERSITY OF CHICAGO PRESS
CHICAGO, ILLINOIS, U.S.A.

THE UNIVERSITY OF CHICAGO PRESS
PUBLISHED BY THE UNIVERSITY OF CHICAGO PRESS
CHICAGO, ILLINOIS, U.S.A.

THE UNIVERSITY OF CHICAGO PRESS
PUBLISHED BY THE UNIVERSITY OF CHICAGO PRESS
CHICAGO, ILLINOIS, U.S.A.

THE UNIVERSITY OF CHICAGO PRESS
PUBLISHED BY THE UNIVERSITY OF CHICAGO PRESS
CHICAGO, ILLINOIS, U.S.A.

THE UNIVERSITY OF CHICAGO PRESS
PUBLISHED BY THE UNIVERSITY OF CHICAGO PRESS
CHICAGO, ILLINOIS, U.S.A.

THE UNIVERSITY OF CHICAGO PRESS
PUBLISHED BY THE UNIVERSITY OF CHICAGO PRESS
CHICAGO, ILLINOIS, U.S.A.

THE UNIVERSITY OF CHICAGO PRESS
PUBLISHED BY THE UNIVERSITY OF CHICAGO PRESS
CHICAGO, ILLINOIS, U.S.A.

